



Broj/Број: 01/2a-50-1-2-50/09
Sarajevo/Сарајево, 20. 8. 2009.

ZAPISNIK
50. sjednice Komisije za vanjske poslove
Predstavničkog doma Parlamentarne skupštine BiH,
održane 24. 7. 2009.

Sjednica Komisije počela je u 9 sati, a prisustvovali su joj: Slavko Matić, Husein Nanić, Sadik Ahmetović, Azra Alajbegović i Denis Bećirović.

U svojstvu izvjestilaca, sjednici su prisustvovali: Sven Alkalaj, ministar vanjskih poslova BiH, Sead Avdić i Nebojša Regoje, u ime Ministarstva vanjskih poslova BiH.

Sjednica je održana zajedno s Komisijom za vanjsku i trgovinsku politiku, carine, saobraćaj i komunikacije Doma naroda PSBiH, s obzirom da je dopuna Informacije Ministarstva vanjskih poslova BiH o stanju i razvoju DKP mreže BiH Parlamentarnoj skupštini BiH dostavljena prethodni dan, 23.7.2009., te da su obje komisije bile dužne dostaviti svojim domovima mišljenje o Informaciji za raspravu na nastavku zajedničke sjednice oba doma koja je bila zakazana za 24.7.2009., u 10,30 sati. Također, ministar Sven Alkalaj zamolio je da se rasprava objedinjeni kako bi on bio u mogućnosti da prisustvuje sjednicama obje komisije. Iz Komisije za vanjsku i trgovinsku politiku, carine, saobraćaj i komunikacije Doma naroda sjednici su prisustvovali: Alma Čolo, Dušanka Majkić, Adem Ibrahimpašić, Slobodan Šaraba i Branko Zrno te Nenad Pandurević, sekretar, i Dobrinka Savić, stručni saradnik u Komisiji. (*Napomena: ovaj zapisnik sadrži samo diskusije i zaključke Komisije za vanjske poslove Predstavničkog doma PSBiH, dok su diskusije i zaključci Komisije za vanjsku i trgovinsku politiku, carine, saobraćaj i komunikacije Doma naroda navedene u zapisniku te komisije*).

Zapisnik je vodio Miroslav Stanišić, stručni saradnik u Komisiji za vanjske poslove.

Slavko Matić je na početku konstatirao da je za 50. sjednicu Komisije jednoglasno prihvaćen

DNEVNI RED

1. Razmatranje Informacije Ministarstva vanjskih poslova BiH o stanju i razvoju DKP mreže Bosne i Hercegovine, broj: 01,02-50-3-754/09, od 18.6.2009., i dopune Informacije o stanju i razvoju DKP mreže, broj: 01,02-50-3-754-1/09, od 22. 7.2009., radi davanja mišljenja.

**Ad. 1. Razmatranje Informacije Ministarstva vanjskih poslova BiH o stanju i razvoju
DKP mreže BiH, broj: 01,02-50-3-754/09, od 18.6.2009., i dopune Informacije o stanju
i razvoju DKP mreže broj: 01,02-50-3-754-1/09, od 22. 7.2009., radi davanja mišljenja**

Slavko Matić kazao je da je najveći nedostatak za raspravu o ovoj informaciji nepostojanje stava Predsjedništva BiH. Istakao je da Predsjedništvo BiH od 2008. godine nije odgovorilo na zahtjeve Komisije, da nije obrazložilo zašto su zatvorene pojedine ambasade i konzulati kada je to bilo u obavezi temeljem poslaničkih pitanja ili temeljem zaključaka oba doma Parlamentarne skupštine BiH. Kazao je da imamo akte koje je uradilo Ministarstvo o kojima možemo raspravljati ali u političkom smislu od institucije koja je nadležna za vođenje vanjske politike, odnosno od Predsjedništva BiH nemamo nikakav stav.

Ministar vanjskih poslova Sven Alkalaj napomenuo je koji su prioriteti vanjske politike BiH. On je kazao da je prvi prioritet liberalizacija viznog režima, zatim dobivanje nestalnog članstva BiH u Vijeću sigurnosti UN-a, dobivanje akcionog programa za članstvo u NATO-u i daljnji koraci ka EU, odnosno podnošenje zahtjeva za dobivanje kandidatskog statusa. Na osnovu ovih prioriteta Ministarstvo vanjskih poslova BiH je i napravilo ovu informaciju. On je izrazio žaljenje što je informacija pogrešno shvaćena, prije svega kad se radi o otvaranju ambasada. Dodao je da nigdje nije spomenuto otvaranje ambasada niti Ministarstvo vanjskih poslova BiH prema svojoj ulozi može to da radi. Ono može da pravi viziju i 12 spomenutih ambasada je vizija optimalnog razvoja. Kad je riječ o otvaranju ambasada u udaljenijim zemljama, to je više pitanje nastupa naše privrede i dobivanja poslova u tim zemljama. Na kraju je kazao da samo Predsjedništvo BiH može donijeti odluku o otvaranju i zatvaranju ambasada, te da je u informaciji data dugoročnija analiza otvaranja ambasada kada se za to steknu uslovi.

Nakon rasprave u kojoj su učestvovali svi članovi Komisije, Komisija za vanjske poslove je, s tri glasa „za“ i dva „suzdržana“, donijela zaključak da se još nisu stekli uslovi za kvalitetnu raspravu o stanju i razvoju DKP mreže BiH.

Komisija za vanjske poslove je, s četiri glasa „za“ i jednim „suzdržanim“, također donijela zaključak da od Predsjedništva BiH očekuje stav i izjašnjavanje o stanju i razvoju DKP mreže BiH kako bi ova informacija bila potpuna.

Slavko Matić se na kraju zahvalio članovima Komisije i zaključio sjednicu.

Sjednica je završena u 10 sati.

Zapisnik sastavio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Predsjedavajući Komisije

Slavko Matić

Kopija: MVP-u BiH